



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

De obedientia. Exercit. 73.

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

ptissime, ad omnium rerum præsentis vitæ, & omnis consolationis à creatura proficiscentis, & omnium omnino voluptatum priuationem: dicendo cum sponsa. Dilectus meus mihi, & ego illi.

DE OBEDIENTIA.

Exercit. 73.

Philip. 4. Dominus noster Iesus Christus factus est obediens vsque ad mortem, mortem autem Crucis.

Prouerb. 15. Mens iusti meditabitur obedientiam.

Prouerb. 21. Vir obediens loquetur victorias.

1. Petr. 1. Castificantes animas vestras inobedientia charitatis.

Consideratio.

CONsiderabimus quam iustum sit vt obtemperemus Deo & omnibus, quibus ille nos obedire vult: quia si filius patri, subditus Regi, seruus Domino, debet obedientiam; multo magis nos Deo in quo omnes hi, & multi alij, tituli concurrunt. Deus enim

enim Pater, Rex & Dominus noster est; ideoque debetur ei obedientia infinita, & maior, quam à creaturis ei præstari possit.

Gratiarum actio.

GRatias agemus Deo pro admirabilibus exemplis, quæ nobis in hac virtute prætulit. Obtēperādo nō tantum Deo Patri vsque ad mortem Crucis, sed etiā subiiciendo se Matri suæ sanctissime B. Marię Virgini, & spōso suo Iosepho, & in passione sua iniustis iudiciis & peruersis eorum ministris.

Confusio.

ERubescemus, cōsiderando rebellionē & inobedientia nostrā, qua nosmetipsos superbè contra superiores & contra Deum ereximus, dum operibus nostris eum abnegauimus, & cōstituendo idolū de propria nostra voluntate, illi soli obediuimus.

Petitio.

Rogabimus Deū vt verā & perfectā nobis obedientiā cōferat: qua nō tantū mādatis ipsi obtēperemus, sed
etiam

M A N V A L E

etiam consiliis & inspirationibus; & subiecti simus ei in omnibus sine vlla contradictione aut repugnantia; Et propter illum perfectam obedientiam prestemus iussis superiorum nostrorum, sine vlla excusatione aut replicatione, obtemperando non solum opere, sed etiam hilari animo, & iudicio humili.

Oblatio.

Offeremus Deo voluntatem nostram, consignando illam in manus ipsius vt nulla in re perficiat quod ipsa vult, sed quod diuinæ maiestati placitum fuerit: quia voluntas eius est regula omnis rectitudinis, iustitię & sanctitatis, ideoque digna quæ in omnibus impleatur.

DE PATIENTIA.

Exercit. 74.

Luc. 21. In patientia vestra possidebitis animas vestras.

Psal. 9. Patientia pauperum non peribit in finem.

Prou. 19. Doctrina viri per patientiam nascitur.

Psal. 70.